



BOSNIA AND HERZEGOVINA  
MINISTRY OF FINANCE  
AND TREASURY

Broj: 01-08-16-454/07  
Sarajevo, 25.01.2007. godine

**SVIM BUDŽETSKIM KORISNICIMA**

**PREDMET: Preporuka za pripremu i vrednovanja ponuda po javnim nabavkama u dijelu koji se odnosi na uslove plaćanja**

Poštovani,

Ministarstvo finansija i trezora uočilo je da se u postupcima javnih nabavki za institucije BiH kao značajan kriterij vrednovanja ponuda koriste rokovi plaćanja za isporučeni materijal, nabavljena stalna sredstva i izvršene usluge.

S obzirom da zakonski utvrđen način finansiranja institucija BiH garantuje redovne dnevne prilive sredstava od indirektnih poreza Ministarstvo finansija i trezora vrši plaćanje svih obaveza bez ikakvih odlaganja u skladu sa godišnjim dinamičkim planom, odnosno mjesečnim operativnim planovima koje budžetski korisnici dostavljaju ovom ministarstvu.

Ukoliko budžetski korisnici mogu dostaviti dinamičke planove sa preciznim terminima potrebnog angažovanja sredstava po vrstama rashoda, koji se zasnivaju na ugovorima sa dobavljačima, tada je moguće izvršiti utemeljen obračun finansijskih efekata po osnovu odgođenog plaćanja planskim obračunom kamata, a time i utvrđivanje ranga ponude sa stanovišta finansijske prihvatljivosti za institucije BiH, u poređenju sa dobavljačima koji nude niže cijene sa promptnim rokovima plaćanja.

Dosadašnja praksa izrade dinamičkih planova, pogotovo dijela koji se odnosi na uobičajene isporuke kancelarijskog i potrošnog materijala i pružanje ugovorenih usluga, pokazuje da u ovakvim slučajevima nije rađena precizna dinamika isporuka, odnosno angažovanja sredstava, te zbog toga nije moguće utemeljeno procijeniti finansijske efekte kako bi se dobavljači rangirali po kriteriju odloženog plaćanja.

Ukoliko se radi o nabavkama roba i kapitalnim ulaganja veće vrijednosti, koji podrazumijevaju značajnije angažovanje kapitala, preporučujemo da se u uslovima tendera navede kriterij uslova plaćanja, jer se po tom osnovu mogu postići značajniji pozitivni finansijski efekti. Međutim, u ovakvim slučajevima za eventualno avansno plaćanje potrebno je u uslovima tendera propisati obavezu osiguranja bankarske garancije za uredno izvršenje posla od strane dobavljača, kako bi se izbjegli eventualni gubici zbog nelikvidnosti ili drugih poremećaja poslovanja kod dobavljača.

Uvažavajući cijenu kapitala na tržištu i uslove pod kojima Ministarstvo finansija i trezora ostvaruje prinose plasmanima viška sredstava, preporučujemo institucijama BiH - budžetskim korisnicima, odnosno komisijama za javne nabavke, da prilikom određivanja i primjene kriterija za vrednovanje ponuda **u dijelu koji se odnosi na uslove plaćanja**, uporedne analize ponuda temelje na utvrđivanju sadašnje vrijednosti nabavke korištenjem diskontne stope u visini prosječne kamatne stope na kratkoročne bankarske depozite u Bosni i Hercegovini. Na taj način će se obezbijediti uporediva kalkulacija ponuđenih cijena svih učesnika na tenderu, bez obzira na ponuđene rokove plaćanja.

S poštovanjem,

